



UGOVOR

o javnoj nabavci usluga recertifikacije sistema upravljanja kvalitetom prema normi ISO 9001:2015 i sistema okolinskog upravljanja prema normi ISO 14001:2015 za oblast 26 (35.2 po novoj nomenklaturi) – snabdijevanje gasom (uključujući projektovanje, izgradnju i održavanje gasnih mreža)

KJKP „Sarajevogas“ d.o.o. Sarajevo, Ul. Trg Fadile Odžaković Žute br. 4, 71000 Sarajevo
Koga zastupa: v.d. Direktor Preduzeća, Samir Pajević, dipl.ing.maš., (u daljem tekstu: Kupac), i

«CRO CERT d.o.o.», Zagreb, Ul. Bulićeva 14/2, 10000 Zagreb, Hrvatska
Koga zastupa: Direktor Damir Sučić, (u daljem tekstu: Pružalac)

Član 1.

Predmet ovog ugovora je nabavka usluga recertifikacije sistema upravljanja kvalitetom prema normi ISO 9001:2015 i sistema okolinskog upravljanja prema normi ISO 14001:2015 za oblast 26 (35.2 po novoj nomenklaturi) – snabdijevanje gasom (uključujući projektovanje, izgradnju i održavanje gasnih mreža) po direktnom sporazumu broj DS-05-09/20. Pružalac usluga je na zahtjev kupca dostavio ponudu broj 11/2020 od 26.02.2020. god.

Sadržaj i vrijednost usluga iz stava 1. ovog člana (Ponuda broj 11/2020 od 26.02.2020. god.) priložena je ovom ugovoru i predstavlja njegov sastavni dio.

Član 2.

Ugovorna vrijednost usluga iz člana 1. ovog ugovora bez PDV-a iznosi: **2.695,00 EUR (slovima: dvijehiljadešeststotindevedesetpet EUR) odnosno 5.270,97 KM.**

Član 3.

Pružalac će uslugu iz člana 1. ovog ugovora, a koja uključuje vođenje cjelokupnog certifikacijskog postupka, provjeru obaveznih zahtjeva odabranih normi u dokumentaciju sistema upravljanja auditom prvog stepena uz dostavu izvještaja, provjeru implementiranosti zahtjeva odabranih normi auditom drugog stepena na mjestu rada i dostavu izvještaja, temeljem pozitivnog izvještaja i odluke o certifikaciji izdavanje certifikata u dva primjerka sa logotipom na period od tri godine za svaki standard, izvršiti nakon zaključenja ovog ugovora prema ponudi 11/2020 od 26.02.2020. god.

Član 4.

Pružalac će obračun izvršenih usluga izvršiti po cijeni iz priloga ovom Ugovoru nakon provedenog audita i prije uručjenja sertifikata u prvoj certifikacijskoj godini.

Kupac će plaćanje izvršiti u roku od 30 dana nakon prijema uredno ispostavljene fakture na žiro-račun Pružaoca naznačen na fakturi.

Član 5.

Kupac i Pružalac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane u izvršenju njihovih ugovornih obaveza.



Član 6.

Pružalac nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja kupca.

Član 7.

U vremenu odvijanja ugovorenih aktivnosti Pružalac se obavezuje:

- u tajnosti čuvati sve činjenice i podatke, koje sazna tokom procesa auditiranja; neovisno o tome radi li se o saznanjima specifičnim za samog kupca ili se oni odnose na njegove poslovne odnose s trećim licima;
- učiniti nedostupnim neovlaštenim osobama i trajno čuvati izvještaje o provedenom auditu i druga pismena vezana uz rezultate svojih aktivnosti, sukladno odredbi prethodne alineje;
- provoditi postupke auditiranja tako, da na najmanji mogući način ometa kupčev uobičajeni tok rada i tehnološke procese,
- da dostavi izvještaj o auditu i omogući pravo korišćenja znaka certifikacijske kuće i znaka međunarodnog udruženja za potrebe Kupca.

Obaveze iz stava 1. i 2. prethodnog članka, Pružalac će se pridržavati trajno, ili do njenog pismenog ukidanja od strane kupca. Pružalac je u obavezi da recertifikacijski audit provede u periodu od 15.04. do 23.04.2020. godine. Za svaki dan kašnjenja u izvršenju usluge kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

Izuzetno od prethodnog stava, u opravdanim slučajevima, a u međusobnom dogovoru ugovornih strana, recertifikacijski audit se može pomjeriti od ugovorenog roka, ali ne duže od 6 mjeseci.

Član 8.

Kupac se obavezuje:

- Pružaocu omogućiti optimalne uvjete za obavljanje ugovorenih usluga; uključujući u to posebno pitanje radnih prostora, odnosno dostupnosti i raspoloživosti potrebne dokumentacije i odgovarajućeg pratećeg osoblja,
- u okvirima svojih saznanja i objektivnih mogućnosti sprječavati svaki oblik komunikacije (poslovne ponude, ponude namještenja, narudžbe na osobni račun, različita uvjetovanja i sl.), koji bi na bilo koji način mogao ugroziti objektivnost i neovisnost auditora prodavca.

Član 9.

Kupac se posebno obavezuje, da će nakon recertifikacijskog audita, u periodu važenja certifikata:

- redovito, pravovremeno i potpuno po sadržaju i obimu informirati Pružaoca o svim izmjenama u vlastitom sistemu upravljanja, koje bi bilo kojim načinom mogle utjecati na eventualnu potrebu za novim ocjenjivanjem;
- dostaviti Pružaocu sve važne organizacijske ili statusne promjene u svojoj firmi, koje bi, kao takve, mogle utjecati i na promjenu prethodno certificiranog sistema upravljanja;
- redovito provoditi i dokumentirati mjere osiguranja sistema upravljanja (interni audit);
- sistamatski voditi evidenciju eventualnih primjedbi, koje se odnose na sadržaj i funkcionalnost sistema upravljanja, a koje su upućene od strane trećih lica (kupaca, poslovnih partnera, nadzornih državnih organa i sl.), te o primjedbama, odnosno provedenim mjerama poboljšanja, upoznavati auditore Pružaoca u vrijeme njihovog boravka u firmi.

Član 10.

Ukoliko kupac u ugovornom roku iz člana 4. ovog ugovora ne plati cijenu za izvršene usluge obavezan je Pružaocu isplatiti i zateznu kamatu u skladu sa zakonom i drugim propisima koji uređuju ovaj institut.

Član 11.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.



Član 12.

Ugovorne strane su saglasne da Pružalac neće zapošljavati, odnosno angažovati fizička i pravna lica koja su učestvovala u postupku nabavke i ugovaranja. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 13.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 14.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Član 15.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Pružaoca:

Direktor, Damir Sučić

Broj ugovora, 11-2020

Za Kupca:

v.d. Direktor Preduzeća

Samir Pajević, dipl. ing. maš.

Izvršni direktor

Mr. Mehović Mehmed, dipl. oec.

Broj ugovora, 51/20

06-03-2020